

I DESAFÍO JRAVEL/MTB ULLA TAMBRE MANDEO

1. DATOS XERAIS DA ACTIVIDADE

- **Denominación:** I DESAFÍO JRAVEL/MTB ULLA TAMBRE MANDEO
 - **Organizador:** GRUPO DESENVOLVEMENTO ULLA TAMBRE MANDEO
 - **Data:** Sábado, 13 de setembro de 2025 e sábado 27 de setembro de 2025.
 - **Horario, distancias e desniveis acumulados:**

13 de setembro de 2025/BOIMORTO: saída ás 09:30 h, hora límite de chegada ás 14:15 h. Ruta longa (60,22 KM 1306m). Ruta corta (31,48km 452m).

27 de setembro de 2025/ TOQUES: saída ás 09:30 h, hora límite de chegada ás 14:15 h. Ruta longa (50,83 KM 1380m) Ruta corta (34,3 KM 869m).
 - **Hora:** 9:30 a 14:15 h
 - **Localidade de Saída/chegada:** Ruta día 13: saída e chegada en Boimorto (<https://maps.app.goo.gl/gRM7axXbUQ81v9ey8>).
 - Ruta día 27: saída e chegada en Toques (<https://maps.app.goo.gl/W41Y9FvpN7EbMVNs9>).
 - **Modalidade:** Evento deportivo non federado
 - **Categoría:** Maiores de 18 anos (participantes de 14 a 17 anos con autorización)
-

2. REGULAMENTO DA PROBA

1. **Organización e Data:** O GDR ULLA TAMBRE MANDEO organiza o I Desafío Javel/MTB Ulla Tambre Mandeo, que terá lugar o sábado 13 de setembro de 2025 e o 27 de setembro, con saída e chegada nas localización anteriormente indicadas. A saída será ás 09:30 h e a hora de chegada do último participante non poderá superar as 14:15 horas.

A concentración e entrega de dorsais terá lugar a partir das 8:15 horas no punto de inicio, unha hora e cuarto antes da saída da proba .

Ao rematar a proba haberá servizo de duchas no pavillón anexo á saída. Na foto pódese observar tanto o punto de inicio da proba como o pavillón.

2. **Natureza da Proba:** Trátase dunha actividade de cicloturismo-BTT, cuxo obxectivo é fomentar o ocio, o turismo e a cultura, excluindo expresamente a competición. As persoas participantes, coa súa inscrición, declaran estar fisicamente aptas para a proba.
3. **Normas de Circulación:** As persoas inscritas deben respectar en todo momento o Código de Circulación, sendo responsables das infraccións que cometan. O tráfico non estará pechado, polo que se debe extremar a precaución en cruces e zonas habitadas.
4. **Idade Mínima:** A idade mínima de participación é de 18 anos. Os menores de 14 a 17 anos poderán participar cunha autorización asinada polo pai, nai ou titor/a, acompañada dunha copia do DNI da persoa que autoriza.
5. **Responsabilidades:** A organización non se fará responsable dos gastos ou débedas que as persoas participantes poidan contraer durante o percorrido.
6. **Seguridade:** O uso do casco é obrigatorio en toda a actividade.
7. **Animais de Compañía:** Non se permitirá a presenza de animais durante a marcha.
8. **Inscricións:**
 - A inscrición deberá realizarse a través da plataforma oficial: *SPORTMANIACS*
 - Á inscrición é gratuíta.
 - O club que anote un maior número de participantes será recoñecido ao finalizar a proba. Entenderase por club todos os participantes que se anoten baixo unha mesma denominación, podendo ser unha agrupación informal.
 - O número máximo de participantes será de 200 en cada proba.
 - O prazo de inscrición rematará o mércores anterior á celebración da proba (10 a de Boimorto e 24 a de Toques) ou cando se cubran as prazas dispoñibles.

9. **Comunicacións Oficiais:** As comunicacións realizaranse a través dos seguintes medios:

- Plataforma de inscricións do evento: *sportmaniacs*
- Páxina web do GDR Ulla Tambre Mandeo <https://www.gdrullatambremandeo.gal/>
- Perfís oficiais en Instagram e Facebook de Camiños de Auga.


10. **Percorrido e Puntos de Control:** Estableceranse puntos de control con horarios prefixados. O persoal da organización indicará camiños alternativos se algún participante supera os tempos establecidos.

A marcha terá dúas versións; unha corta e unha longa, as cales estarán debidamente indicadas. Non é preciso indicar cal das dúas se vai realizar, cada participante escollerá a que vai realizar no punto onde se separan, o cal estará sinalizado.

11. **Modificacións e Suspensións:** A organización resérvase o dereito de modificar horarios e percorridos por motivos de seguridade. En caso de alerta laranxa, a proba será suspendida e buscarase unha nova data.

12. **Sinalización e Equipamento:**

- Os percorridos estarán sinalizados con estacas de madeira
- O modelo de sinalización será similar ao da foto



13. **Servizos de Asistencia:**

- Disporase de asistencia sanitaria, ambulancia, e Protección Civil durante o evento.
- Haberá 1 avituallamento ao longo do percorrido.

- Ao finalizar a proba, os participantes terán acceso a duchas no pavillón anexo á saída.

14. **Protección de Datos:** A organización garante o cumprimento da Lei Orgánica 3/2018 de Protección de Datos Personais e garantía dos dereitos dixitais. Os datos persoais serán incorporados a un ficheiro xestionado por LAMAS BIKE para a xestión do evento. Os participantes poderán exercer os seus dereitos de acceso, rectificación ou cancelación dos seus datos.
15. **Dereitos de Imaxe:** A inscrición implica a aceptación do uso das imaxes das persoas participantes para fins promocionais, prensa ou comunicación institucionais sen dereito a compensación económica.
16. **Aceptación do Regulamento:** A participación nesta marcha implica a aceptación total deste regulamento, así como a renuncia a reclamacións por posibles danos que poidan ocorrer durante o evento.
17. **A actividade conta cun seguro de responsabilidade civil e un seguro de accidentes colectivos** coas coberturas reguladas polo RD 849/1993, polo que se determinan as prestacións mínimas do seguro obrigatorio deportivo.

Cicloturismo sostible

Na nosa aposta pola sustentabilidade, toda a sinalización da proba está feita en madeira reutilizable e gravada con láser, garantindo 0 residuos plásticos ou de pinturas. Queremos que esta ruta transcorra nun entorno natural preservado, e para iso contamos contigo.

 **Respeto o camiño, coida a natureza e deixa 0 impacto.** Xuntos facemos do deporte

unha experiencia máis sostible!  

¡Esperámosvos para desfrutar dunha xornada de deporte e natureza!  